

Date – 10/02/2026

Time - 18:30 -18:40Hrs

AKASHVANI AIZAWL
REGIONAL NEWS BULLETIN
HEADLINES (EVENING)

1. Governor Gen (Retd) Vijay Kumar Singh an vawiin khan Lammuala LESDE Kût, 2026 a hawng.
2. Mizorama ran vulhtute tan AH & Vety Minister Pu C Lalsawivunga chuan Animal Insurance a tlangzarh.
3. Lok Sabha-a Opposition Member te chuan Speaker Om Birla rin tawk lohna motion an thehlut.
4. Union Minister of State for Agriculture and farmer Welfare Ramnath Thakur chuan PM KISAN scheme hman anih hnuah cheng vaibelchhe nuai li chuang installment tum 21 hmanga sem tawh a ni a ti.

<><><>

LESDE FEST

Governor Gen (Retd) Vijay Kumar Singh an vawiin khan Lammuala LESDE Kût, 2026-ah LESDE department hnuai Welfare Board-a inziaklutte hamthatna tura duan project pahnih - ‘Rahbi Chhertu’ leh ‘Eizawna Kailawn’ a tlangzarh.

Governor chuan he kut hi exhibition pangai ang mai a ni lo a, he kut hian economic lama hmasawna nasa tak Mizoram tan a siam thei dawn a ni a ti.

Rahbi Chhertu hi Mizoram Building and Other Construction Workers Welfare Board hnuai inziaklutte leh an chenpulte tana ruahman niin, an zirna leh an hna zawnaa an rahbi chhertu atana duan a ni a; he project atan hian cheng vbc 2 leh nuai 88 ruahman a ni.

Kan corr report lo ngaithla ang

((VOICE CAST - Rahbi Chhertu project hnuai hian welfare board hnuai inziaklutte leh an fate chu graduate level hna nghet an neih theih nan an hna exam san dan a zirin cheng sing 5 atanga cheng nuai 1 thleng puihna pek theih an ni. Pawl 12 pass chin tana entrance exam emaw, coaching chi hrang hrangahte cheng sing 5 thleng sponsor an ni dawn a; foreign-a hnathawk turte tana training hrang hrang atan cheng nuai 1 thlenga puih theih an ni bawk.))

Eizawna Kailawn project hi Mizoram Building and Other Construction Workers Welfare Board project thar niin, board member-te leh an chenpuite tana thiamthil zirna (skill development training) leh bultanna tura duan a ni a; a bultanna (atan Aizawl West I, Aizawi West II leh Aizawl West III Assembly Constituencies bakah, jail leh correction centre a awm mek mi 800 tinzawn niin, chumi zawhah Mizoram pum huapa kalpul tur a ni.

He pilot project kalpuina tur atan zirchianna hrang hrang neih niin, insakna (construction) kaihnawih hna (trade) panga leh a dang (non-construction trade) 23 thlan chhuah a ni a; Eizawna Kailawn project atan hian cheng vbc 27.18 ruahman a ni.

Kum 2026 chhung hian Pilot Mode in kalpui a ni anga, pilot project zawh hnuah Mizoram pum huapin kalpui a ni anga, hetah hian beneficiary 2,400 awm tura ruahman a ni bawk.

<><><>

LESDE-MINISTER

Vawiina Aizawl Lammuala LESDE Kût 2026 hawna inkhawmah LESDE minister Pu Lalnghinglova Hmar chuan, LESDE department thil tum ber chu Mizoram thalaite bana kaih a nih thu a sawi a; thalaite chu an theihna atanga thiamna nei tura kaihhruai te, thiamna atanga remchanna siamsak leh remchanna atanga eizawna nghet leh hman tlâk nei tura kaihhruaite chu an thiltum a nih thu a sawi.

Pu Lalnghinglova Hmar chuan, LESDE department chu Bana Kaih scheme nena inrem taka kalkawp thei a nih thu a sawi a, Bana Kaih chu thalaite leh hnathawktute an kal zêlna kawng tinrenga an kuta vawn leh zui zel tihna a ni a, a ti a; LESDE Kût chu intih hlimna ni mai loin, thalaite tana hnazawna kawnga hun remchang siamna a nih thu a sawi.

Hnathawh tur nei lo thalaite tan LESDE Kût hi a tangkai dawn thu sawiin LESDE Minister chuan, thiamna zirna hmun te, sumdawna lama inpuihna te, hnazawna hmun leh hnathawktute hamthatna inhrilhfiarna atana ruahman a nih thu a sawi bawk.

(Hruaia Aizawl PTC)

<><><>

MUCHS

Mizoram sawrkarin Mizoram State Healthcare Scheme changtlung zawk kalpui turin Asian Development Bank atanga loan assistance hmuh tuma rei tak hma a lo lak tawh chu tih puitlin niin Loan agreement sign fel a ni.

ADB loan lakna tur hi kumin January ni 23 khan ADB Headquarters, Manila-ah sign a ni a, India aiawhin Baldeo Purusartha, Joint Secretary, Department of Economic Affairs, Ministry of Finance chuan a sign a, ADB aiawhin Mio Oka, Country Director, Director, India Resident Mission chuan signin, Mizoram sawrkar aiawhin

Pu Ramchuana, Finance Secretary chuan a hmuna kal loin e-mode in a sign ve bawk a ni.

Hemi atan a Mizoram sawrkarin loan project a siam “Improvement of Mizoram State Health Care Scheme by enhancing the Corpus Fund” tih hi kum 2022 May ni 31 khan Ministry of Finance chuan a lo pawm tawh na a, harsatna hrang hrang avangin approve theih lohin a awm a, tun sawrkar hian thar thawh lehin “Supporting Public Healthcare System Strengthening to Achieve Universal Health care for Mizoram” tiha thlak a ni.

Mizoram Universal Healthcare atana ADB atanga loan hmuh zat hi USD 108 million niin, India pawisa chuan cheng vbc 800 vel a ni a. ADB loan pumpui hi Ministry of Finance hnuai Externally Aided Projects hnuai hmuh a nih avangin sorkar laipui a rulh tur a ni.

Central sawrkar hian loan pumpui atanga zaa 90 chu grant angin Mizoram a pe ang a, zaa 10- cheng vbc 80 chui Mizoram sawrkar hnenah loan anga Mizoramin a rulh ve turin a puktir chhawng dawn a. Mizoram sawrkarin he zaa 10 a rulh ve tur chin a rulhna tur interest rate hi chu Central sawrkara Ministry of Finance in a la ruahman tur a ni.

Hetihlai hian Mizoram sorkar chuan nimin khan MUHCS kalpuitu damdawi-inte hnenah damlo enkawlina senso rulh nan cheng vbc 9 leh nuai 99 a pe a; sorkar kum kal mekah MUHCS kaltlangin MUHCS zawmtu damdawi-inte hnenah damlo 83,680 enkawlina senso rulh nan cheng vbc 126 leh nuai 39 a pe tawh

Mizoram State Healthcare Society (MSHCS)-in a tarlan danin, sorkar kum kal mekah nikum April thla atanga nimin January ni 9 thleng khan Mizoram sorkar chuan MUHCS zawmtu damdawi-in hrang hrang hnenah damlo enkawlina senso rulh nan tum 58 pawisa a pe tawh a, pawisa a pek chhuah tawh zawng zawng hi cheng vbc 126.39 niin, damlo 83,680-te enkawlina senso a ni.



ANIMAL INSURANCE

Mizorama ran vulhtute tan AH & Vety Minister Pu C Lalsawivunga chuan Animal Insurance a tlangzarh a. Hemi atan hian National Insurance Company Ltd. leh AH&Vety Department Secretary Pu Lalsangliana ten Minister leh MSPCC Vice Chairman Dr. KC Lalmalsawmzauva hmaah thawhhona thuthlung an ziak a ni.

He Animal Insurance hian vawk, bawng, sial, kel, beram leh vanvulh dangte a huap dawn a. Premium zaa sawmpanga hi ranvulhtu ten an tum ve tur a ni a, Handholding hnuai progress partner te erawh chu handholding atanga tumsak vek an ni dawn thung a. Vawk vulh insurance atan cheng 2000 chawi tur kha cheng 292 chauh vawk vulhtuten ten an tum a ngai dawn a ni.

Minister Pu C. Lalsawivunga chuan ranvulhtute mamawh em em ran insurance kalpui tak tak tura hmalakna a awm ta chu lawmawm a tih thu a sawi a. Insurance Company tam zawkin animal insurance an tuipui loh thu leh, ASF avanga Mizoramah insurance company kohluh an har thu sawiin, Chief Minister Pu

Lalduhoma'n Sorkar laipuah thlen in, Insurance Company hrang hrang Head Office ah lehkhah a thawn avanga tun dinhmun thleng ta an nih thu a sawi bawk.

Minister chuan sorkarin animal insurance ah theihtawp a chhuah thu sawi zuiin, Animal Insurance-a State Matching Share zaa 30 pawh zaa 10 a tihhniamsak turin Union Minister ah a ngen thu leh Mizoram ngenna angin zaa 10 ah tihhniamsak a nih thu a sawi a. Tuna insurance tlangzarh tak atan hian Central atangin cheng nuai 66 sing 4 sang 9 hmuh a nih thu leh, hei hi first installment chauh niin, first instalment ah hian ran 4545 insured tum anih thu a sawi a ni.

<><><>

NATIONAL DEWORMING DAY

State pumah vawiin khan National Deworming Day February Round hawinna pualin Rulhut hlo pek runpui neih a ni a,

Aizawlah chuan Chaltlang Anganwadi Centre-II ah an hmang a, rulhut hlo pek beihpuithlak hian rulhut vanga naupang thisen tlachham leh hrisel lohna hrang hrang avanga an zirlai leh an thanchhohna kawnga harsatna thlen thei tur tih bo hi a tum a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

SPEAKER REMOVAL MOTION

Lok Sabha-a Opposition Member te chuan Speaker Om Birla rin tawh lohna motion an thehlut. Thudawn danin Opposition memberte hian Lok Sabha Secretary General hnenah lehkhah an thehlut a. Dan angin he lehkhah hi zir chian anih hnuah hmalak chhunzawm a ni ang. He motion thehlukah hian Opposition party zingah Congress, DMK, Samajwadi Party,RJD leh Left Party ten an thlawp thu an ziak a. Hetihlai hian Opposition zingah TMC in an ziak ve lo thung a ni.

><><>

PORT

Union Minister of Ports, Shipping and Waterways Sarbananda Sonowal chuan NDA sawrkarin inthlak danglamna policy a kalpui avangin kum 2024-25 chhungin National Waterways ah bungraw phur lawng ten tonne maktaduai 146 an phur hman a ti. Vawiina Rajya Sabha-a zawhna chhangin Pu Sonowala chuan ramchhunga lawng hmanga inkalpawhna din turin cheng vaibelchhe 1700 chuang kum 10 chhungin hman a ni a ti a. Hei hi UPA sawrkar lai aiin vaibelchhe 183 aiin a tam a ti a. Union Minister sawidanin tun dinhmunah tuikawng hi 111 hman mek a ni a ti a. Hei hian ramchhunga bungraw phurh kualna man a tihhniam phah a ni a ti bawk.



PM KISAN

Union Minister of State for Agriculture and farmer Welfare Ramnath Thakur chuan PM KISAN scheme hman anih hnuah cheng vaibelchhe nuai li chuang installment tum 21 hmanga sem tawh a ni a ti. Union Minister sawidanin loneitute awn lam digital infrastructur hman anih avangin ramchhung hmun hrang hranga loneituten he scheme hmanga sum sem hi an dawng a ti a. Pu Thakura chuan he scheme hi Direct Benifit Transfer hmangin Aadhar thlunzawm bank account ah thun a ni a ti.

(Newsonair)

